



LENGOLO LA BODISA LA MOBISHOPO

Baprista, Badiakone, Baitlami, Baena le Dikgaetsedi ba ratehang,

Ke ya le dumedisa Sondaheng sena sa Thomo le ya Kereke le tsebiso ya boitokisetso ba Seboka se Seholo sa Kereke. Morena Papa Francis o mema Kereke yohle e Katholike lefatshe ka bophara ho simolla boitokisetso ba Seboka se Seholo sa Babishopo sa 2023.

Sehlooho sa Seboka sena se Seholo se itshetlehile hodima “Kereke ya Seboka se Seholo”. Ho re Kereke ya Seboka se Seholo ho bolela ho re Kereke e hlahloba metheo ya yona kamoo e leng kateng hona jwale. To inahana ka botebo le ho bona kamoo re nkang karolo kateng bophelong ba Kereke re le Makatholike a hlatsuweng. Morena Papa Francis o tataisa Kereke ho ba Kereke ya Seboka se Seholo sa Bonngwe, ho Nka Karolo, le Thomo ya Boapostola.

Mohato wa pele wa tshebetso o qala ka Sondaha sa Thomo ya Boapostola 2121 ho fihlela Mmesa 2022, mme o tla etsahala Sedikeng sa rona. Ho tloha moo o tla fetela Sebokeng sa Babishopo ba Makatholika ba Afrika e ka Borwa. Hohato wa ho qetela o tla re lebisa kopanong ya Babishop Sebokeng se Seholo ka Mphalane 2023.

Mohato ona wa boitokisetso o tla nka sebaka ka hara Sedika sa rona, mme ke mohato wa ditherisano; wa ho botsa dipotso le ho tlalehela Mobishopo. Mobishopo o tla isa tlaleho Sebokeng sa Babishopo. Sedikeng sa Kroonstad, Moprsta wa Sebaka o tla nka boikarabelo ba ditherisano hammoho le Lekgotla la Bodisa la Kereke. Moprsta wa Sebaka o tla isa tlaleho ho tswa Kerekeng ya hae ho ya ho mohokahanyi wa tshebetso ya Seboka se Seholo Sedikeng sa rona e leng Fr Rasello, le mothusi wa hae Fr Mifi.

Ntata rona ya Halalelang, Morena Papa Francis, o batla ho utlwa hore Makatholike dikerekeng tsa rona le sedikeng sa rona ba ikutlwa jwang ka tsamaiso le motheo wa Kereke. Dikarabelo tsa rona di tla ya ditherisanong tsa Seboka se Seholo sa Babishopo ka selemo sa 2023. Ke kgothalletsa Makatholike ohle Sedikeng sa Kroonstad ho ba karorolo ya tshebetso ya boitokisetso ya Seboka sena se Seholo.

Ke kopa hore le rapele Thapelo ya Seboka se Seholo ka di-Mmisa tsa Sondaha le thapelong ya hao bonngweng ba hao. Seboka sena se Seholo se tla nakong e ikgethileng nakong ya bophelo ba rona Kerekeng ya rona eo re e ratang e Katholike. Morena Papa jwaloka Modisa ya ka sehloohong, hammoho le Baena ba hae Babishopo ba rona, ba batla ho mamela le ho utlwa lentswe la Setjhaba sa Modimo.

Maria Mma-Modimo le Mma-Kereke o re rapelle. Moya o Halalelang re fe tataiso le bohlale.

Wa Iona ho Kriste Morena
P. Holiday
Mobishopo Peter Holiday

